



首页 留言板 新闻 文档 我要投稿

用户名： 密码： 记住我

当前位置：[文档](#) » [文档明细查看](#) » [中日汉籍全文检索](#) » [朝鲜](#) » [朝鲜](#) » [高丽史](#) » [世家](#)

高麗史三十九 世家卷第三十九 恭愍王二

来源： 投稿人： 发布时间：2008-6-20 阅读次数：**2**

世家卷第三十九。高麗史三十九。正憲大夫工曹判書集賢殿大提學知 經筵春秋館事兼成均大司成臣鄭麟趾奉 教修。恭愍王二。○(丙申)五年春正月辛卯王如奉恩寺謁太祖眞殿。甲午赤氣挾日長數尺餘其中皆有日輪人言三日 出。甲辰益城府院君洪鐸卒。二月乙卯辛榮安王大夫人第。庚申版圖總郎宣天桂奉賜王衣酒還自元。乙丑燃燈王如奉恩寺。辛未元遣使錫王功臣號曰親仁保憲宣力國彰彰惠靖遠王出迎信義門外宴群臣。甲戌遣福昌府院君金永煦如元謝功臣號表曰：“千載一時欣戴自天之命四方萬國聲聞稀代之榮銘骨何忘?粉身難報欽惟皇帝陛下以簡臨下惟精執中率祖攸行不怒而威不宣而信順帝之則所施者化所存者神至如草木之生成皆是乾坤之休養臣爰從弱歲獲觀清光充宿衛於龍樓既乏絲毫之補襲藩宮一 域亦微尺寸之功何圖十有二之率謬及百無一能之品伏遇皇帝陛下記累歲勤王之效憐愚臣草木之誠特垂綸 之言用以鼎鐘之列臣謹當志求仁而務惠於物身服義而願忠於君保遠民蠢蠢之情庶幾致於安靖嚴上國明明之訓敢不奉以周旋?”丙子王飯僧普愚于內佛堂普愚即普虛。三月丙戌王及公主奉太妃如奉恩寺聽普愚說禪頂禮施幣帛銀鉢繡袈裟積如丘山其徒三百餘僧皆施白布二匹袈裟一領士女奔波猶恐不及。甲辰王以忠肅王忌辰如神孝寺。以孫涌爲監察大夫元太師王家奴之請也是月我桓祖來朝王迎謂曰：“撫綏頑民不亦勞乎?”時奇氏族倚后勢暴橫人有密告：“奇輦潛通雙城叛民結爲黨援謀逆。”王諭桓祖曰：“卿宜歸鎮吾民脫有變當如我命。”夏四月壬戌王如奉恩寺謁太祖眞殿。戊辰知都僉議車蒲溫奉賜王衣酒還自元。癸酉封普愚爲王師立府曰圓融置官屬左右司尹丞舍人注簿左右實馬陪指論行首。戊寅王邀普愚于延慶宮行師弟禮其儀衛擬於鹵簿。五月庚辰朔王御報平廳觀 慶千興元松壽侍。壬午定原君鈞大護軍金璫奉賜王衣酒還自元。乙酉王以誕日邀普愚于內殿飯僧百八時僧徒求住寺者皆附愚干請王曰：“自今禪教宗門寺社住持聽師注擬寡人但下除日爾。”於是僧徒爭爲門徒不可勝計。丙戌前密直安祐奉賜王衣酒還自元。戊子元遣·奇完者不花來改冊榮安王爲敬王追贈三代爲王。丁酉太司徒奇轍太監權謙慶陽府院君盧 謀反伏誅親黨皆逃宮城戒嚴釋鄭之祥爲巡軍提控令侍衛以洪彥博爲右政丞尹桓爲左政丞元顥判三司事許伯黃石奇爲贊成事全普門韓可貴爲三司右左使金逸逢金鋪印 爲會議評理尋以故縱奇權盧* {支}黨下顯可貴沔城君具榮儉于獄殺之籍其家。罷任東行中書省理問所。以評理印 同知密直司事姜仲卿爲西北面兵馬使司尹辛珣俞洪前大護軍崔瑩前副正崔夫介爲副使攻鴨江以西八站以密直副使柳仁雨爲東北面兵馬使前大護軍賁天甫前宗簿令金元鳳爲副使收復雙城等地 先發仲卿被酒後至使氣 止之不聽日辛珣斬之報王曰：“仲卿有二心處以軍法。”國家莫如其故物議紛 。己亥以鄭暉爲西北面兵馬使； 洪日源李思敬爲副使； 鄭綱爲江陵交州道都指揮使； 申青爲平壤道巡問使。庚子前密直洪義卒。壬寅命收諸軍萬戶鎮撫千戶百戶牌。癸卯設鎮兵道場于康安殿及諸佛宇五日。六月癸丑印 引兵渡鴨綠江攻婆娑府等三站破之。乙卯以金敬直爲全羅道都巡問使。己未雙城人趙都亦來朝賜金牌授高麗雙城地面管軍千戶。庚申以前贊成事尹時遇爲濟州都巡問使。癸亥元使直省舍人齋奇轍太司徒宣命印章而來西北面兵馬副使辛珣遇諸道奪宣命印章囚舍人殺 從三人舍人夜逃。乙丑王聞前護軍林仲甫欲奉永陵 子釋器不* {軌}繫巡軍聯連前政丞孫守卿等十餘人。己巳斬守卿等貶其黨贊成事康允忠爲東萊縣令杖漢陽尹洪仲元等放釋器于外。乙亥停至正年號。 教曰：“洪惟我太祖創業列聖相承咸能繼述衣冠禮樂*??{燦}然可觀比來國俗一變惟勢是求奇輦等憑震主之威撓爲邦之法選調隨其喜怒政令由之伸縮人有土田則攘之人有人民則奪之斯豈寡人無德之所致歎抑紀綱不立無術以御之歟?無乃理亂循環必極而變天道之然耶?深惟茲故每用 震日者幸賴祖宗之靈輦等伏辜釋器非止庶 又係私婢所出而倚望謀逆若孫守卿等亦* {置}典刑自今伊始勵精圖治修明法令整頓紀綱復我祖宗之法期與一國更始敷實德於民續天命于天二罪以下一切除之其輦 守卿等 誤連累者亦從原免太祖及歷代先王加上尊號修其祀事務盡精潔守陵人戶復其 役社稷山川諸祠在祀典者亦加德號其諸* {淫}祀一皆撤去賊臣之奴倭其主勢占奪土田使平民多聚良家子女成群違惡存撫按廉究治渠魁撤毀屋舍量重罪之良家子女歸其父母籍產產以贖國用所占民戶仍令安業以從公漕漕不通凡所轉輸皆從陸路宜令有司量地遠近營立院館復其土田又及迎候所安民廬其旁以便住宿於戲!撥亂反正宜施寬大之恩任賢使能庶致隆平之治。”元因本國節日使金龜年于遼陽省聲音發八十萬兵來討西北面兵馬使印 請濟師以備。丙子洪湖黃河衍賜死。丁丑命判書雲觀事陳永緒相地于南京。籍萬戶洪瑜家以米千石賑貧民。秋七月己卯朔魏王命于鴨綠江王命許從二人渡江。壬午禁人 家出城自相地南京人心動搖負載南行者如歸市故禁之。乙酉置忠勇四衛。丁亥復改官制。以洪彥博爲門下侍中； 尹桓守門下侍中； 柳濯爲門下侍郎同中書門下平章事； 許伯爲中書侍郎同中書門下平章事； 黃石奇爲門下平章事； 金鋪爲中書平章事； 金逸逢印 知政事； 李仁復爲政堂文學； 全普門鄭 守司空左右僕射； 慶千興判樞密院事； 崔仁遠爲樞密院使； 安祐知樞密院事； 裴天慶黃裳同知樞密院事； 柳仁雨李春富爲樞密院副使； 金希祖簽書樞密院事； 柳淑爲樞密院學士。東北面兵馬使柳仁雨陷雙城總管趙小生千戶卓都卿遁走收復和登定長預高文宣州及宣德元興寧仁耀德靜邊等鎮咸州以北自高宗戊午沒于元今皆復之。癸巳設孟蘭盆齋于內殿。丁酉元遣中書省斷事官撒迪罕向衣奉御朶 到鴨江傳帝旨曰：“高麗自我世祖混一之初灼知天命學國臣服爰結婚親于今百年邇者姦民遽生邊 越我封疆擾我黎庶焚我傳舍阻我行人揆諸天憲計戮何疑尙慮曷爾賊徒或得罪爾邦連通囁聚或從他國安稱汝民盜用兵戈以*聞世好若不詢問情僞大兵一臨玉石俱焚誠所不忍特遣撒迪罕等前去爾其毋生疑貳發爾士卒就便招捕或約我天兵力攻期於靖國安民永敦前好具悉奏聞。”戊申斬西北面兵馬使印 附表撒迪罕表曰：“下愚奮命但要生全大原情 有加存恤!肆陳 說庶感聰聞竊惟小邦邈處東極極唐之盛疆 而己世祖興灼知天命首先歸附世其後績尤漸恩澤日新月盛不意賊臣奇輦與盧 權謀謀爲不軌生我禍階切詳輦等連姻掖庭假威大朝氣焰熏天脅制國主有人不奪不己人有土田不奪不 臣畏天朝一不敢問群黎百姓怨豈在明?輦等自知罪盈惡積人所不容而又妄意天下擾攘甲兵方熾一朝勢去身不能保乃謀自安務固其權中外官司皆置親戚凡曰要職無非腹心擅造兵器閉習射御公然爲之不少隱匿扇動詭言惑亂衆聽今年五月十八日召集無賴一時俱起舟載兵器已至江口又令數輩詐爲天使稱有詔旨己至宮門將欲戮我君臣以逞己欲安危死生*聞不容髮尙賴聖德粗能應變既獲賊徒恐有他變不暇俱致於法誠惶誠恐無地措躬又慮邊鄙之民乘 妄動或有奸人往來亂我情實故置關防以謹出入而使其吏士過江劫掠實非本意考其罪人以正邦典伏望弘天地之仁霽雷霆之怒垂蕩蕩之洪恩保哀哀之微喘則四千餘里永爲薄海之藩億萬斯年專祝如岡之壽。”八月壬子以僉議評理黃順爲江陵朔方道都巡問使。戊午流蔡河中于順天印承于于保安貶鄭 爲清州牧使。己巳命寫無逸篇二十餘本賜近臣。九月庚辰遣使于楊廣全羅道副濟州人及禾尺才人充西北面戍卒。辛巳新設內營事內常侍等官。癸未以曲城伯廉悌臣爲西北面都元帥刑部尙書柳淵判司宰寺事金之順上將軍金元命副之賜貂 金帶仍授鐵遣之。平壤都巡問使李餘慶獻 女眞男女二十餘人分置楊廣道。己丑東北面兵馬使獻 女眞女二十人分屬各司爲婢。己亥閱兵于毬庭。是月以我桓祖爲中大大司僕卿賜第一區。冬十月甲寅元復遣撒迪罕等齎詔來王盛陳兵衛出迎于宮門外詔曰：“昔我世祖皇帝混一區夏爾高麗國率先效順建爲東藩請婚帝室帝亦允從今將百年錫玉相望靡有*聞言茲夏爾國游兵入我疆域毀我驛置邊民不寧是用遣使往告厥由使爾附奏具稱； 近者境上乘間侵 之徒已正其罪又言事 生在於倉卒志圖靖難不及 命 其*聞應變之狀中書悉以告朕肆朕察其事情追惟我祖憫下之惠先臣慕義之誠 以一 輦虧舊恩!然裁以至公若爾初獲首事具罪以聞善善惡惡朕與天下共之奚言徇私以紊大法?如云倉卒不遵陳奏?事定之後 先馳聞事既已往 能悔罪陳情茲示寬容特釋爾咎自今伊始小心敬慎率順章撫我黎庶固我東 勿替朕命惟爾之休於戲!赦過宥罪廣推大造之心懷遠招携誕布至仁之德。”王與公主宴元使。戊午遣政堂文學李仁復如元上表曰：“乾坤洪造曲全庶物之生父母至仁旋 癡兒之過賊子亂常殆將覆國愚臣應卒不及聞天伏蒙推視遠之明廓包荒之度揆事機之非所得已矜情實之無可奈何霽雷霆之威既往不咎 雨露之澤咸與惟新乾坤全物之生父母 兒之過亦不可爲喻也人非石木豈不知感哉?臣謹當布德音於庶民以寧一邦修職貢於歲時無替萬世。”又上書曰：“近者逆臣奇輦等謀劫戈兵欲危社稷專恣德得 禍萌然而失火之家迫于救焚倉皇無以先告弄兵之幸而脫死惶恐難於自言 天 地無所措躬伏蒙特降赦恩 身粉骨奚足以報?既荷天地父母再造之恩敢陳國病冀達天聰切惟皇祖元征東國王爲丞相行省官吏委王保舉入常調非他行省也夫鎮撫司理問所儒學提舉司比來省官皆托婦子濫受朝命擅作威福小邦有監察司典法司掌刑聽訟* {糾}正非理而省官聽人妄訴拘取諸司所斷文*券以是爲非莫敢誰何人疾之如狼虎 今省官有與逆賊謀者願自今其左右司令臣保舉勿蹈前弊其理問所等官司一切革去世皇東征日本時所置萬戶中軍右軍左軍耳其後增置巡軍合浦全羅毗羅西京等萬戶府 無所領軍徒佩金符以 宣命召誘平民妄稱戶計勒令州縣不敢差發深爲未便如蒙欽依世祖皇帝舊制除三萬戶鎮守日本外其餘增置五萬戶府及都鎮撫司乞皆革罷朝廷使臣及府寺院監司所差人更多是小邦之人不務宣上德意專要誇耀鄉閭福自恣惡 必報屈辱宰相犯國主經年不還增娶妻妾無惡不爲金剛山諸寺歲再降香勞民生事反戾陛下求福之意本國自有倭寇以來備禦無或小地樞密院所差體覆使亦宜停罷宣徽院資政院將作院大府監利用監太僕寺諸衙門所差人吏一切禁斷其方物不可用度者明立額數聽本國自獻庶使站路邊民獲寧雙城三撤元是小邦之境先臣忠憲王戊午趙暉卓青等犯罪罹誅誘致女眞乘我不虞殺戮官吏繫累男女皆爲奴婢父老至今言之流涕指爲血 比來逆臣奇輦盧 權謀交結酋長召集通逃及其謀逆約爲聲援輦等既死支黨多奔于彼故令搜索彼反用兵助逆勢不獲已致行師其* {總}管趙小生千戶卓都卿今在逃竄竊恐情 生事恭惟朝廷薄海內外莫非王土尺寸不毛之地豈計彼此哉?伏乞歸我舊疆雙城三撤以北許立關防女真人等於泥城等處山谷之*間越境來居擾百姓掠牛馬導本國犯罪之人逃因莫追即與雙城三撤無異*(??){乞}立禁約毋得擅入似前侵害祖王以來庶 之子必令爲僧所以明嫡庶之分社 之萌今有塔思帖木兒自謂忠宣王 子亦嘗剃髮及長還俗奔于京師誘致本國群不逞之徒扇起詭言眩惑人心若其人其於朝廷豈有益?乞將此人及其黨與發還本國。”丙寅濟州加乙赤忽古托等叛殺都巡問使尹時遇牧使張天于判官李陽吉。丙子遣樞密院使金希祖如元賀皇太子千秋節。十一月己卯洪彥博免； 流尹桓許伯柳濯； 以李齊賢爲門下侍中； 廉悌臣守門下侍中； 慶千興 知門下政事； 李千善 知中書政事； 李仁復爲政堂文學兼御史大夫； 安祐知門下省事。乙酉以知樞密院事裴天慶爲東北面兵馬使； 姜仲祥爲全羅道都巡問使。十二月丁未遣 知政事李千善吏部判書李壽林如元賀正。丙寅宥輕罪。修葺南京宮闕。○(丁酉)六年春正月丙子朔放朝賀宴群臣。庚寅王邀王師普愚于內殿賜黃金五十兩金線一匹。辛卯加上先代先王先后尊號。壬辰王如奉恩寺謁太祖眞殿卜遷都漢陽

實惠惟爾臣僚各盡乃心以輔功德。"丁酉我桓祖以判將作監事爲東北面兵馬使御史臺上*以爲："李[桓祖諱。]東北面人而又本界千戶也不可使爲鎮守"王不允賜宴慰行宰樞又餞于會賓門既行授戶部尚書，桓祖至北道未幾馳報本國人入彼土者皆順命出來。甲辰命李齊賢講書無逸篇。全羅楊廣道防禦使金捕船番五殺獲三十餘人。三月丁巳王及公主奉太妃至自白岳。張士誠遣人來獻綵*{段}玉沈香弓矢。淮南省右丞王晟遣使來獻綵帛沈香。倭焚南海縣。丁丑興海君裴佺死。夏四月辛巳朔日食既。遼陽省摠官高家奴遣使來獻玉及犬。辛卯設百高座道場于康安殿。乙未門下平章事致仕李謙卒。丙申倭寇固城蔚州巨濟。郎將朱彥英奸料物庫副使李中明妻郎將鄭元奸將軍李元立妻御史臺之會赦皆原免元不悛御史臺杖殺之。庚戌我桓祖薨訃聞王悼甚遣使弔哭致博如禮士大夫咸驚曰："東北面無人矣。"五月甲寅以樞密院直學士韓方信爲東北面都兵馬使前都僉議評理姜仲祥爲慶尙道都巡問鎮邊使。壬戌上洛侯金永煦卒。癸亥命左承宣李穡講書洪範。丁卯禱雨于太廟。己巳巷市。甲戌都僉議使司啓曰："年凶餓莩甚多無以賑活良人不能自食者令富人食而役止其身人有奴婢而不能養令食之者永以爲奴婢。"王惡其認民爲隸焚其書。乙亥命前密直提學田大有講書無逸。六月甲申太白晝見二日。乙未御史大夫李嶠卒。秋七月壬子張士誠遣千戶傅德來聘戊午又遣趙伯淵不花來聘。八月癸巳王邀僧普印等于內殿日講傳燈錄。倭焚掠東萊蔚州奪其漕船又寇梁州金海府泗州密城郡。九月庚申遣戶部尚書朱思忠如元賀道路復通表曰："辰居星拱服四海萬國之心雷風飛通九夷八蠻之道量同覆載明恒升遵聖武規模之張御以寬而臨以簡撫世皇聲教所綏斯來而動斯和故令蠢爾之氓咸入然之化但恃聖朝之扶佑何圖強寇之侵陵藩翰任專幸得敵王所憐梯航路梗末由觀國之光馬戀主而長鳴鶴天而難聞茲者馳星華於漠遠而聖德之惟新解和渴飢不知蹈舞。"癸酉復置征東省官。元以韓咬兒等亂四方兵興遣使來頒赦。丙子禿魯江萬戶朴儀叛殺千戶任自富金天龍命刑部尚書金璉往討之。冬十月戊子地震。乙未金璉請濟師時我太祖以金吾衛上將軍爲東北面上萬戶王命往援璉，太祖以親兵一千五百人赴之儀已率其黨逃入江界盡捕誅之。丁酉紅賊僞平章潘誠沙劉關先生朱元帥等十餘萬衆渡鴨綠江寇朔州以樞密院副使李芳實爲西北面都指揮使遣同知樞密院事李餘慶嶺嶺。戊戌遣鶴城侯如元賀正以道梗不果行。己亥集都人修城門。壬寅紅賊寇泥城。癸卯以知政事安祐爲上元帥；政堂文學金得培爲都兵馬使；同知樞密院事鄭暉爲東北面都指揮使。十一月己酉紅賊屯撫州李芳實以彼衆我寡*{敵}兵退請移順殷成三州陽岩樹德江東三登祥原五縣民及粟于嶺柵從之。庚戌廉悌臣罷以洪彥博爲門下侍中。安祐李芳實與指揮使金景各帥麾下兵擊賊于价延博等州連戰破之斬首三百餘級王以祐爲都元帥。丙辰賊襲安州我軍敗績上將軍李蔭趙天柱死之賊獲指揮使金景爲其元帥移文于我曰："將兵百十萬而東其速迎降。"丁巳令公侯以下出戰馬有差。己未以知政事鄭世雲爲西北面軍容體察使。庚申遣前密直提學鄭思道金*守嶺柵平章事李公遂屯竹田。辛酉我太祖斬賊王元帥以下百餘級擒一人以獻。癸亥以平章事金鏞爲摠兵官前刑部尚書柳淵爲兵馬使賊以萬餘兵攻嶺柵破之我軍大潰安祐金得培等單騎奔還。乙丑賊先鋒至興義驛。丙寅王及公主奉太后南狩渡臨津次兜率院從者唯侍中洪彥博李平章事金鏞慶千興柳濯僕射金逸逢政鄭世雲判樞密院事李春富簽書金希祖知樞密院事柳淑孫登知奏事元松壽承宣金績命洪彥猷李穡金達祥兵部尚書陸仁吉上將軍金元命前吏部尚書洪師範前刑部尚書柳淵諫議金漢龍將軍李琳張伯顏員外金君鼎刑部侍郎郭忠秀正言朴思慎御史朴大陽侍御史田祿生而已。王駐駕江岸顧瞻山河謂松壽曰："如此風景卿等正宜聯句?"丁卯駕發公主去輦而馬次婢李氏所騎馬羸弱見者皆泣下。至焚修院按廉使安宗源忠州牧使朴曦來謁遂次迎曙驛南京留守崔仁遠清州牧使金成甲來謁。戊辰尙州判官趙縉以兵千四百來使大將軍金得齊領之。駕至沙平院開寧監務來獻刷馬百餘匹。駕次廣州吏民皆登山城惟州官在。以柳濯爲慶尙道都巡問兼兵馬使；李春富爲全羅道都巡問兼兵馬使；崔安沼爲楊廣道巡問使。己巳駕次慶安驛以尙書右僕射李成瑞爲楊廣道都巡問兼兵馬使知門下省事姜碩爲交州江陵道都巡問兼兵馬使縉及開寧監務皆進秩。辛未雨雪。駕次利川縣御衣濕凍療薪自溫。是日賊陷京城留屯數月殺牛馬張皮爲城灌水成人不得緣上。又屠灸男女或播孕婦乳爲食以恣殘虐。壬申駕次陰竹縣吏民皆逃匿判閣門事許猷獻米二斗王以按廉使安宗源安撫使許綱不能供張鬻頭以來縣人裴元景言於宰相曰："吾勸留同里十餘戶以待大駕。"宰相嘉之奏除元景散員監陰竹務。乙亥駕次忠州。丁丑將軍洪瑄自請爲遊擊將軍王嘉之擢爲南京尹楊廣道管軍上萬戶以趙希古爲廣州牧使楊廣道副萬戶李之泰代宗源下綱及宗源于巡軍。十二月壬辰王至福州以鄭世雲爲摠兵官賜教書遣之。甲午王射于西樓下。乙未幸暎湖樓遂乘舟遊賞仍射於湖邊按廉使享王觀者如堵或有反袂興嗟者或誦讖而嘆曰："忽有一南寇深入臥牛峯又云：'牛大吼龍離海淺水弄清波。'古聞其言今見其驗!"丙申以鄭世雲爲中書平章事。丁酉州人檢校中郎將金長壽起兵擊賊殺遊騎一百四十餘人遣州人崔英起走報行在以長壽爲上將軍兼萬戶英起爲西海道安撫使。丁未紅賊三百餘騎陷原州牧使宋光彥死之賊二十九人又至安邊府邑人許降饗之酒三行*撲[撲]擊盡殺之。江華府詐降饗賊裨將王同僉伏兵盡殺之賊不敢入境。世家卷第三十九。